

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇՈՒԿԱՅԻ ՎԵՐԱՀՄԱՆ ՈՒԽԹԱՆ ՏԵՍԶԱԿԱՆ ՄԱՐՄՆԻ
ԿՈՂՄԻՑ ԻՐԱԿԱՆԱՑՎՈՂ ՈՉ ՊԱՐԵՆԱՅԻՆ ԱՐՏԱԴՐԱՆՔՆԵՐԻ ԵՎ ՕՐԵՆՍԴՐԱԿԱՆ
ԶԱՓԱԳԻՏԱԿԱՆ ՎԵՐԱՀՄԱՆ ՈՒԽԹԱՆ ՈԼՈՐՏԻ ՈՒՍԿԻ ՎՐԱ ՀԻՄՆՎԱԾ ՍՏՈՒԳՈՒՄՆԵՐԻ
ՄԵԹՈԴԱԲԱՆՈՒԹՅՈՒՆԸ ԵՎ ՈՒՍԿԱՅՆՈՒԹՅՈՒՆԸ ՈՐՈՇՈՂ ԶԱՓԱՍԻՇՆԵՐԻ
ԸՆԴՀԱՆՈՒՐ ՆԿԱՐԱԳԻՐԸ

I. ԸՆԴՀԱՆՈՒՐ ԴՐՈՒՅԹԸՆԵՐ

1. Սույն մեթոդաբանությամբ և ոիսկայնությունը որոշող չափանիշների ընդհանուր նկարագրով կանոնակարգվում են Հայաստանի Հանրապետության շուկայի վերահսկողության տեսչական մարմնի (այսուհետ՝ տեսչական մարմին)՝ ոչ պարենային արտադրանքների և օրենսդրական չափագիտական վերահսկողության ոլորտի ոիսկի վրա հիմնված ստուգումների անցկացման հետ կապված ընդհանուր հարցերը, ինչ արդյունքում ստուգումների պարբերականությունը պլանավորվելու է և ստուգումներն իրականացվելու են համապատասխան իրենց ոիսկայնության խմբի՝ հաշվի առնելով «Ստուգումների կազմակերպման և անցկացման մասին» Հայաստանի Հանրապետության օրենքի պահանջները:

II. ՈՒՍԿԻ ՍԱՀՄԱՆՈՒՄԸ

2. Ոիսկը տնտեսավարող սուբյեկտի գործունեության արդյունքում մարդու կյանքին, առողջությանը, շրջակա միջավայրին, պետության, իրավաբանական և ֆիզիկական անձանց գույքային շահերին, բնական և էներգետիկ պաշարների խնայողությանը վնաս հասցնելու հավանականությունն է՝ հաշվի առնելով այդ վնասի ծանրության աստիճանը:

III. ՈՒՍԿԻ ՎՐԱ ՀԻՄՆՎԱԾ ՍՏՈՒԳՈՒՄՆԵՐԻ ՄԵԹՈԴԱԲԱՆՈՒԹՅՈՒՆԸ ԵՎ ՈՒՍԿԱՅՆՈՒԹՅՈՒՆԸ ՈՐՈՇՈՂ ԶԱՓԱՍԻՇՆԵՐԸ

3. Ոչ պարենային արտադրանքների արտադրության և շրջանառության փուլում գործունեություն իրականացնող տնտեսավարող սուբյեկտների ոիսկը գնահատվում է ոլորտային և անհատական ոիսկերի հանրագումարով, որի առավելագույն միավորը 180 է.

$$R_p = R_n + R_w$$

Որտեղ՝ R_p - տնտեսավարող սուբյեկտների ընդհանուր ոիսկ,

R_n - ոլորտային ոիսկ,

R_w - անհատական ոիսկ:

4. Ոլորտային ռիսկի գնահատման հիմնական և կարևոր ցուցանիշներից են տվյալ ոլորտի տեխնիկական կանոնակարգի պահանջների ծավալը և բարդությունը, որոնք տնտեսական գործունեություն իրականացնող սուբյեկտները պարտավոր են պահպանել:

5. Գործունեության ոլորտի ռիսկը ցուցանիշ է, որը հաշվարկելիս հիմք են ընդունվում տնտեսավարող սուբյեկտի գործունեության ոլորտի կարևորությունն ու վտանգավորությունը՝ ըստ տվյալ գործունեությունից առաջացող հնարավոր բացասական հետևանքների:

6. Եթե տնտեսավարող սուբյեկտը գործունեություն է իրականացնում մի քանի ոլորտներում, ոլորտային ռիսկը հաշվարկվում է ամենատիսկային ոլորտի տվյալներով:

7. Հիմք ընդունելով տեսչական մարմնի կողմից հսկման ենթակա ոլորտների տեխնիկական կանոնակարգերի պահանջները, ինչպես նաև հավանական վնաս առաջացնող գործոնների ազդեցությունը և վնասի աստիճանը՝ կարող ենք հաշվարկել ոլորտի ռիսկը:

8. Ոլորտային ռիսկի առավելագույն կշիռ է սահմանվում 90 միավորը: Ոլորտային ռիսկի գնահատման համար հիմք են ընդունվում երկու ցուցիչներ:

1) հավանական վնասի ազդեցության մակարդակ՝ արտադրանքի վնասակար, բացասական կամ վտանգավոր ազդեցությունը: Այն կարող է լինել 3 մակարդակում՝

ա. կյանքի համար խիստ վտանգավոր, մահացու հետևանքների հանգեցնող, որի հնարավորությունը գնահատվում է 46-50 միավոր (ծանր),

բ. լուրջ, չվերականգնվող կամ քրոնիկական հիվանդության հանգեցնող՝ 38-45 միավոր (լուրջ),

գ. աննշան վնասի հանգեցնող ազդեցություն թողնող՝ 1-37 միավոր (թեթև).

2) Հայաստանի Հանրապետության օրենսդրությամբ տվյալ ոլորտի արտադրանքի կամ ծառայության նկատմամբ սահմանված պահանջներ՝ պահանջներ, որոնք պայմանավորված են ԵԱՏՄ-ի տեխնիկական կանոնակարգերով կամ Հայաստանի Հանրապետության օրենսդրությամբ տվյալ ոլորտի նկատմամբ սահմանված պարտադիր պահանջների (սորմերի) քանակով և բարդությամբ՝

ա. խիստ և մեծաքանակ պահանջներ՝ 37-40 միավոր,

բ. նվազ խիստ պահանջներ՝ 25-36 միավոր,

գ. ոչ խիստ և սահմանափակ պահանջներ՝ 1-24 միավոր:

Ոլորտային ռիսկի հաշվարկման աղյուսակ

Հ/ Հ	Ոլորտի անվանումը	Հավանական վնասի ազդեցության մակարդակը (միավոր)			ՀՀ օրենսդրությամբ սահմանված պահանջներ (միավոր)			Ոլորտային ռիսկ (միավոր)	
		թեթև 1-37	լուրջ 38-45	ծանր 46-50	ոչ խիստ և սահմա- նափակ 1-24	նվազ խիստ 25-36	խիստ և մեծաքա- նակ 37-40		
		1	2	3	4	5	6	7	8
1.	Խաղալիքներ				50			40	90
2.	Ավտոգազալիցքավորման ճնշակայանների (ԱԳԼՃԿ) կառուցման և շահագործման նվազագույն պահանջներ				50			39	89

3.	Երեխաների և դեռահասների համար նախատեսված արտադրանք		48			40	88
4	Չափումների միասնականություն		48			39	87
5.	Օճանելիք և կոսմետիկ արտադրանք		48			38	86
6.	Ավտոմոբիլային և ավիացիոն բենզին, դիզելային և նավերի համար նախատեսված վառելիք, ունակտիվ շարժիչների համար նախատեսված վառելիք և մագույթ		48			37	85
7.	Որպես վառելիք օգտագործելու համար նախատեսված հեղուկացված ածխաջրածնային գազեր		47			37	84
8.	Կենցաղային և սանհտարահիգիենիկ նշանակության թղթեր և քիմիական թելքերից ապրանքներ		47		36		83
9.	Մակերևութաակտիվ միջոցների և մակերևութաակտիվ նյութեր պարունակող լվացող ու մաքրող միջոցներ		47		35		82
10.	Ցեմենտներ		47		34		81
11.	Բետոնի ամրանավորման համար օգտագործվող պողպատե արտադրանք		46		34		80
12.	Ցածրավոլտ սարքավորումների անվտանգություն		45		34		79
13.	Տեխնիկական միջոցների էլեկտրամագնիսական համատեղելիություն		44		34		78
14.	Գազանման վառելիքով աշխատող սարքավորումներ		43		34		77
15.	Էլեկտրատեխնիկայի և ռադիոէլեկտրոնիկայի արտադրատեսակներում վտանգավոր նյութերի կիրառման սահմանափակում		43		33		76
16.	Քսանյութեր, յուղեր և հասոնիկ հեղուկներ		43		32		75

17.	Մինթետիկ հումքով լաքեր և ներլեկը		43			31		74
18.	Թանկարժեք մետաղներից պատրաստված իրերի հարգործում և հարզադրոշում		43			30		73
19.	Թանկարժեք մետաղներից պատրաստված իրերի մանրածախ առուվաճառք		43			29		72
20.	Փաթեթվածքի անվտանգություն		43			28		71
21.	Մննդամթերքի հետ շփող պոլիմերային և այդ հիմքով պլաստմասայեն արտադրանք		43			27		70
22.	Ծիսախոտային արտադրանք			46		25		71
23.	Թեթև արյունաբերության արտադրանքի անվտանգություն	37				31		68
24.	Ռադիոսարքավորումների և հեռահաղորդակցության վերջնակետային սարքավորումներ	37				30		67
25.	Ավտոմոբիլային տրանսպորտային միջոցներում սեղմված բնական գազով աշխատող վառելիքային համակարգին ներկայացվող պահանջներ		38			28		66
26.	1000 Վ.-ից բարձր լարման փոխարկման էլեկտրական ապարատներ		40			25		65
27.	Վերգետնյա տրանսպորտային միջոցներում օգտագործվող ապակիներ		39			25		64
28.	Շինարարական ապակիներ		39		24			63
29.	Կահույքագործական արտադրանք	37				25		62
30.	Խեցեգործական ամանեղեն		38		24			62

9. Անհատական ռիսկը հաշվարկելիս հիմք են ընդունվում տնտեսավարող սուբյեկտի կողմից օրենսդրությամբ սահմանված պահանջների խախտումները, խախտումների պարբերականությունը, խախտումների վերացմանն ուղղված գործողությունները, ինչպես նաև տնտեսավարող սուբյեկտի գործունեությունը բնութագրող այլ ցուցանիշներ:

10. Անհատական ռիսկը գնահատելիս հաշվի են առնվում տնտեսավարող սուբյեկտի գործունեության վերլուծության արդյունքները՝ առավելագույնը 40 միավոր և ստուգման արդյունքում ստուգաթերթով արձանագրված խախտումների համար սահմանված միավորների հանրագումարը՝ առավելագույնը 50 միավոր:

$$Rw = Rq + Ru$$

Որտեղ՝ Rw - անհատական ռիսկ

Rq - տնտեսավարող սուբյեկտների գործունեության վերլուծության արդյունքում ձևավորված ռիսկ,

Ru - ստուգաթերթով արձանագրված խախտումների արդյունքում ձևավորված ռիսկ:

Տնտեսավարող սուբյեկտի գործունեության վերլուծություն

NN ը/կ	Ռիսկ առաջացնող գործուներ	Ցածր	Միջին	Բարձր
1.	Գործունեության իրականացման վայրերի թիվը	1 վայր – 3 միավոր	2 կամ 3 վայր – 5 միավոր	3 վայրից ավելի – 7 միավոր
2.	Արտադրանքի պահպանման և տեղափոխման պայմաններով պայմանավորված ռիսկ	ոչ էական – 1 միավոր	էական – 3 միավոր	խիստ - 6 միավոր
3.	Բողոքների քանակը վերջին մեկ տարում	0 բողոք – 0 միավոր	մինչև 3 բողոք - 5 միավոր	3 և ավելի բողոք – 9 միավոր
4.	Խախտումների վերացմանն ուղղված գործողությունները	խախտում չունի - 0 միավոր	խախտումը վերացրել է – 4 միավոր	խախտումը չի վերացրել – 7 միավոր
5.	Արտադրող երկիր*	ունի ISO համակարգ – 1 միավոր	ունի որակի հսկման համակարգ – 3 միավոր	ենթարկվել է փորձաքննությունների – 5 միավոր
6.	Տարիքային կազմ	14-ից 65 տարեկան – 4 միավոր	7-ից 14 տարեկան – 5 միավոր	մինչև 7 տարեկան կամ 65 տարեկանից բարձր – 6 միավոր

* Զի հաշվարկվում օրենսդրական չափագիտական ոլորտների ռիսկի հաշվառման ժամանակ

11. Ըստ ռիսկայնության աստիճանը որոշող չափանիշների գնահատման՝ տնտեսավարող սուբյեկտները դասակարգվում են հետևյալ երեք խմբերից որևէ մեկում (ըստ ռիսկայնության աստիճանի նվազման):

1) բարձր ռիսկայնության.

2) միջին ռիսկայնության.

3) ցածր ռիսկայնության:

12. Բարձր ռիսկայնության խմբում ընդգրկվում է ստուգման ենթակա տնտեսավարող սուբյեկտների մինչև քսան տոկոսը՝ ըստ ռիսկայնության աստիճանի նվազման:

13. Ցածր ռիսկայնության խմբում ընդգրկվում է ստուգման ենթակա տնտեսավարող սուբյեկտների մինչև երեսուն տոկոսը՝ ըստ ռիսկայնության աստիճանի ամենա:

IV. ՌԻՍԿԻ ՀԱՄԱԿԱՐԳՈՒՄ ԿԻՐԱԾՎՈՂ ՏՎՅԱԼՆԵՐԻ ԲԱԶԱ

14. Տեսչական մարմինը վարում է տվյալների բազա, որը ներառում է տեղեկատվություն իր վերահսկման ոլորտում գործող տնտեսավարող սուբյեկտների և ռիսկայնության աստիճանը որոշող չափանիշներով վերջիններիս տրված գնահատականի վերաբերյալ: Տվյալների բազայի ձևավորման համար անհրաժեշտ տեղեկատվությունը հավաքագրվում է տեսչական մարմնի կանոնադրական գործառույթների իրականացման արդյունքում առկա տեղեկատվությունից, ստուգում իրականացնող պետական մարմինների միջև տնտեսավարող սուբյեկտների վերաբերյալ տեղեկատվության փոխանակման միջոցով, ինչպես նաև տնտեսավարող սուբյեկտների կողմից իրենց տվյալների փոփոխման արդյունքում տվյալների բազաներում առկա համապատասխան տեղեկատվությունից:

15. Տվյալների բազայի նպատակն է որոշել և դասակարգել տեսչական մարմնի կողմից վերահսկող տնտեսավարող սուբյեկտների ռիսկայնությունը՝ առկա տեղեկատվության և սահմանված չափորոշիչների հիման վրա:

16. Տվյալների բազան պարբերաբար թարմացվում, լրացվում է և ծառայում է տեսչական մարմնի կողմից ռիսկի վրա հիմնված ստուգման համակարգի նպատակներին:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ԴԵԿԱՎԱՐ**

Է. ԱՂԱՋԱՆՅԱՆ